

## БОЛА ТАРБИЯСИДА ОИЛА, ЖАМИЯТ ВА КЕЛАЖАК

Ганиева Вазира Юсуфовна<sup>1</sup>, Абдусаломова Мухлиса Искандаржон кизи<sup>2</sup>,  
Абдурахмонова Лайлохон Рауфжон кизи<sup>3</sup>

<sup>1</sup>Қўқон давлат университети докторанти, <sup>2,3</sup>Қўқон давлат университети талабалари

<https://doi.org/10.5281/zenodo.17547847>

**Аннотация.** Мақолада болаларнинг тарбиясида оила, жамиятнинг роли, болаларни кичик ёшдан бошлаб ривожлантириш, тарбиялаш ишларида оила ва жамиятнинг аҳамияти ҳақида маълумотлар берилган.

**Калим сўзлар:** бола, тарбия, оила, ота-она, жамият, одоб, мактабгача ёш, келажак, миллат, тараққиёт.

Бола дунёга келиши билан ота-она унинг одоби, келажаги ҳақида қайгура бошлайди. Инсоний фазилатларни сингдиришга ҳаракат қилади. Имом ибн Кудума ўзининг “Миноҳожул косидин” номли китобида бир неча одобларни зикр қилади: “Бола вояга етиб, унда фикрлаш аломатлари намоён бўлса, уни кузатиш ва аҳволини ўрганиш лозим бўлади. Чунки боланинг қалби содда ва тоза бўлиб, у ҳар қандай нақшни қабул қилишга тайёр. Агар яхшиликка одатлантирилса, яхшилик билан улғаяди, агар ёмонликка одатлантирилса, ёмонлик билан улғаяди ва жавобгарлик унинг яқинлари бўйнига тушади”.

Болаларни кичик ёшдан бошлаб ривожлантириш, уларнинг ўқиши учун муносиб шарт-шароитлар яратиш орқали келажакда ёшларнинг ўзлигини тўла намоён этишига мустаҳкам замин яратяпмиз. Зеро, бу каби эзгу мақсадимиз йўлида сарфланган инвестициялар эртага бир неча баробар ортиғи билан қайтишига шубҳа йўқ.

Шу билан бирга, бола шахсиятининг асоси айнан мактабгача таълим ёшида шаклланиши, бу даврда унинг интеллектуал ва жисмоний камолоти учун пойдевор яратилиши ҳаммамизга яхши маълум.<sup>1</sup>

Ҳозирги пайтда юртимизда 3 миллиондан ортиқ мактабгача ёшдаги болалар бор. Ҳеч шубҳасиз, улар бизнинг энг бебаҳо бойлигимиз, эркин ва фаровон ҳаётимиз, ёруғ келажакимиз бунёдкорларидир. Ҳолбуки, фарзандларимиз тарбиясида энг асосий бўғин ҳисобланган оила ва мактабгача таълим тизимининг ижтимоий ҳаётимиздаги ўрни ва аҳамиятини ҳеч нарса билан ўлчаб, баҳолаб бўлмайди.

Дарҳақиқат, фарзандининг тарбиясида оиланинг, ота-онанинг ўрни бениҳоят каттадир. Айнан ота-онанинг эътибори оилада ҳулқ-атвор маъданиятини тарбиялашга ёрдам беради. Фарзанд мисоли бир янги ниҳолдир, унинг келажакда кўркам дарахт бўлиши ва ҳосил бериши учун парвариш ва эътибор керак. Эътиборсиз ниҳол охир бориб фақатгина ўтин бўлишга ярайди холос.

Савол туғилиши мумкин: ҳозирги давр ёшларининг ахлоқи, ҳулқ-атвори қандай? Замонавий оилаларимизда болаларга қандай тарбия берилмоқда?

<sup>1</sup> Ўзбекистон Республикаси Президентининг Кичик ёшдаги болаларни тарбиялаш ва таълим бериш бўйича иккинчи Бутунжаҳон конференцияси очилиш маросимидаги нутқи ([president.uz](https://president.uz))

Давлатимиз берган эътибор ва имкониятлардан унумли фойдалана оляптиларми? Ёки “Олдингдан оққан сувнинг қадри йўқ” деганларидай турли ёмонлик кўчаларига кириб қоляптими? Хўш, шундай бўлганида бунга сабаб нима?

Демак, бундай бўлиш сабабини биз катталар ўзимиздан, оилада ота-она ва иккинчи ота-она бўлиш устозларимиздан қидиришимиз керак эмасми?... Тўғри, ҳозирги кунда замонамиз тараққий этган, ривожланиш даражаси жиҳатдан ўзбек миллати ҳам кўплаб чет давлатларидан қолишмаяпти. Шу тараққиёт натижасида четдан онгимизга салбий таъсир этувчи турли таъсиротларни ҳам кириб келаётганини сезмай қолмаяпмизмикин... Лекин нима бўлганда ҳам биз ўзбекмиз ва шу ўзлигимизни қандайдир ҳоюҳавасларга алмаштирмасдан асл ҳолича сақлашимиз, биздан кейинги авлодга бус-бутунлигича етказишимиз лозим. Ёшлар онги янгиликларга жуда қизиқувчан, уларни тез ўзлаштириб олиш қобилиятига эга.

Эътибор билан қарайликчи, ёшлар қабул қилаётган янгилик уларни онгини заҳарламаяптимикин?

Болаларимизнинг хулқ-атвориغا салбий таъсир кўрсатмаяптими?

Уларни ёмон йўлларга бошламаяптимикин?

Фарзандлармиз кўчага чиққанларида улар мактабга етиб боришмоқдами? Кунлик харажатлар учун бераётган пулимизни тўғри йўлга сарф қиляптиларми? Ота-оналар буларга эътиборлироқ бўлиши лозим. Кўчаларда очилган турли интернет кафелар, компьютердаги турли ўйинлар ва болаларимизнинг қўлларига ўзимиз тутқазиб қўйган мобил телефон орқали олаётган маълумотлар, ўхшатиш билан айтаганда, онгни заҳарловчи вируслар уларга ножўя таъсир қилмаяптимикин? Буларга, албатта, барчамиз эътиборли бўлишимиз зарур. Ахир айтишади-ку, “Бир фарзандга етти маҳалла ҳам ота-ҳам она” деб.

Юқоридаги каби ибратли фикрларни кўплаб келтиришимиз мумкин. Президентимиз айтиб ўтганларидек: “Ёшлар бизнинг келажагимиз”.

Келажакнинг мустаҳкамлиги бугуннинг соғлом фикрловчи соғлом авлодни тарбиялашимизга боғлиқ. Қайси ота-она ўз фарзандига меҳр кўзи билан боқмайди. Айнан шу отаоналар бир бутун оила – давлатнинг бир бўлаги. Донишмандларнинг “Илдизга боқ!” деган қадимий гаплари бор. Айнан Президентимиз фикрларида инсон баркамоллигининг илдизига ишора аниқ кўзга ташланади. Фарзандлар кўзимизнинг оқ-у қораси. Уларнинг келажаги бизнинг бахтимиздир. Шундай экан, уларни чиройли хулқ эгалари, бугуннинг Темурлари, бугуннинг Навойлари, бугуннинг Жалолиддинлари қилиб тарбиялаш учун кун давомида бажараётган ишларига, юриш-туришларига ва улар билан доимий алоқада бўлувчи ўртоқларига ҳам эътибор қаратишимиз, улар руҳиятидаги ўзгаришлардан хабардор бўлишимиз зарур.

Бу борада биз ўзимизнинг миллий тажрибамиз ва жаҳондаги илғор ютуқларни уйғунлаштирган ҳолда фаолият олиб борамиз.

Ва албатта, таълим ва тарбия бор жойда албатта илм, албатта маданият ва тараққиёт бўлади<sup>2</sup>.

<sup>2</sup> Ўзбекистон Республикаси Президентининг Кичик ёшдаги болаларни тарбиялаш ва таълим бериш бўйича иккинчи Бутунжаҳон конференцияси очилиш маросимидаги нутқи ([president.uz](http://president.uz))

Зеро, кенг маънода айтадиган бўлсак, соғлом болалар келажагимиз давомчиларидир.

#### FOYDALANILGAN ADABIYOTLAR

1. Anvarovna, Sultonova Nurxon, and Xalkuziyeva Dilnoza Baxodirovna. "PROBLEMS OF WORKING WITH PARENTS OF CHILDREN NOT INVOLVED IN PRESCHOOL EDUCATIONAL ORGANIZATIONS." International Journal of Early Childhood Special Education 15.1
2. Anvarovna, Sultonova Nurkhon. "Some Aspects of the Maria Montessori Method in the Education of Preschool Children." INTERNATIONAL JOURNAL OF INCLUSIVE AND SUSTAINABLE EDUCATION 1.6 (2022): 169-173. (2023).
3. Bakhodirovna, Halkuzieva Dilnoza. "Personality-Oriented Education in the Development of Creative Activities of Future Educators." American Journal of Language, Literacy and Learning in STEM Education (2993-2769) 1.8 (2023): 432-435.
4. Султонова, Нурхон Анваровна. "Теоретические основы подготовки детей в современных условиях к социальной жизни в семье." Scientific progress 1.6 (2021): 631-635.
5. Baxodirovna, Azizova Ziroat. "INTERNATIONAL TRENDS IN THE DEVELOPMENT OF THE PRESCHOOL EDUCATION SYSTEM." INTERNATIONAL JOURNAL OF SOCIAL SCIENCE & INTERDISCIPLINARY RESEARCH ISSN: 2277-3630 Impact factor: 7.429 11.11 (2022): 458-461.
6. Baxodirovna A. Z. BO'LAJAK PEDAGOGLARNING KASBIY-PEDAGOGIK KOMPETENTLIK ASOSLARI //Tafakkur manzili. – 2023. – T. 4. – C. 59-67.
7. Albertovich S. A. Issues of the formation of the professional component of future teachers (on the example of the science of physical culture) //INTERNATIONAL JOURNAL OF SOCIAL SCIENCE & INTERDISCIPLINARY RESEARCH ISSN: 2277-3630 Impact factor: 7.429. – 2022. – T. 11. – №. 11. – C. 414-416.
8. Malikovna N. G. Pedagogical Technologies And Their Use At The Centers For The Development Of Preschool Educational Institutions //Journal of Positive School Psychology. – 2023. – T. 7. – №. 5. – C. 678-683.